

47

152<sup>o</sup> 1613

3488

SEIANVS

FRANCOIS.

AV ROY.

2

M. DC. XV.





## A V R O Y.

**L**ES rigueurs, les cruautez; les tyrannies, les assassinats, les empoisonnemens, les raptz, les sacrileges, les accusations, les prescriptions, les iniustices, les seditions, les partialitez, & les guerres. Bref, les feux & les flammes dont l'Empire Romain a esté embrasé sous le regne de Tibere, n'ôt iamais peu estre arrestees, suspendues ny esteintes que par la mort de *Sejanus iustinianus* fatal boutefeu, & le flambeau des malheurs, qui ont presque reduit en cendre ceste premiere souueraineté du monde.

**S**IRE, voicy l'estat present des affaires de vostre Royaume, en voicy la viue image, il y a dix ans que *Sejanus* a porté son demon dans la France, sous le regne du grand Henry vostre Pere, il s'y est estably en hypocrite, en regnardeau, & ce grand Prince qui cherissoit ces Princes, qui aymoit les suiets commençat à le cognoistre, cōmençoit aussi à le hayr, & auoit resolu de purger ses Estats, & en-chasser ceste peste publique.

Mais sa mort funeste & precipitee, en ayant arresté l'exécution, vostre minorité, les diuisions que *Sejanus* a semées dans vostre Estat, & l'auctorité qu'il s'y est vsurpee, luy ont mis la couronne sur la teste, nous ont fait esclaves de ses desirs, & de ses passions desreiglees, & l'y font regner en Lyon deuorant,

Nous ne viuons depuis cinqannees que de larmes, surchargez de tant d'impositiōs extraordinaires, fouillez de tant de nouuelles commissions & d'Edicts de creation d'offices, opprimez de tant de leuees de deniers, bref si tyrannisez par ce nouuel *Sejanus* qu'il nous reste plus de vie, non pas mesme pouuoir & la liberté d'exaller des dernières paroles.

Nos Princes sont empoisonnez, sont emprisonnez, sont chassés d'aupres de leurs Princes, sont courus, on leur liure la guerre, on leur interdit l'é-

tree des villes, & veut on faire croire que la requête à l'instant qu'ils font de la reformation del Estat, que la iustice qu'ils demandent à V. M. de l'assassinat du feu Roy, des maluersations de *Sejanus*, & ses supposts, est vn crime de leze Maiesté.

Le Parlement, cet auguste Senat de la iustice des Roys, ceste Cour des Pairs, la ferme coullonne de vostre Couronne est menassée de mort, de prisõ perpetuelle ou dexil, si elle continue en les tres. hūbles remonstrances, ces vieux & fidelles seruiteurs n'oseroient plus parler, il n'y a plus de liberté que pour les pëssonnaires, vos treshumbles seruiteurs, vos fidelles subiets sont enleuez de leurs maisons, de leurs liëts, lors mesme qu'ils n'ont plus presque de vie en extremité de malladie, & conduits en triomphe par la ville de Paris, par vne insolente troupes d'archers, sont arrachez d'entre les bras de leurs femmes du corps du Parlement, & renfermez dans la prison d'Amboise.

La Noblesse qui se ioinct avec ceste sainte demande est declaree rebelle, on propose de l'assassiner on la prescripte de la France, le tiers estat est menagé de bastonnades, des fers, des seps, & de prisõ, la parolle mesme est interdite aux gens de bien qui s'en pourroient plaindre, & mes huy la France deuient vne forest sans Princes, sans hommes, sans François, si ce n'est que la Bastille, lesdites prisons de Paris, & le Chasteau d'Amboise en demeurent peuplez.

Si ta cruauté *Sejanus* n'est encore assouuie du sãg, & del'honneur de ceux que tu as faict mourir & mal traicter pour auoir leur bien & confiscation, si ton auarice n'est encore bornee des grands tresors que tu as vollez à la Majesté & à son peuple, qui te font Seigneur de deux cens mil liures de rentes, en font de terre & de plus d'vn milion d'or en deniers contrans, si ton ambition desmesuree n'a ennoies du tout esloigné nos Princes, & esteint la memoire de leur nom, pour commander apres absolument en France, & y trancher du souuerain, si tu n'as du tout opprimé ou abboly la iustice souuerai-



ne en nos Roys qui se plaint de tels mauvais deportemens, si le ſceau, le Conſeil de ſa Maieſte & les finances de cet Eſtat ne ſont encores aſſez ruinees, bref, ſi le peuple qui reuerſon Roy, ſi la Nobleſſe qui le ſouſtient a encore quelque choſe de reſte qui puiſſe empeschier l'effect de tes deſirs.

Cruel tyran, *Sejanus* noſtre ennemy ſ'aduanee, faiets nous tout a faiet Mores, ſans nous faire languir, ne nous traine plus en eſclaves apres tes paſſions, tranche toutes remiſes, & aduanee promptement le cours de nos malheureuſes deſtinees, auſſi bien nous ſommes François, & voulons ou la mort pour ne ſouffrir plus tes cruauſtez, ou la vie pour deffendre celle de nos parens.

Grâd Dieu moteur de cet vniers, qui ſondez les cœurs & les penſees des hommes, ayez pitié de ce pauvre Eſtat du tout perdu, ſauuez noſtre Roy, maintenez les Princes & le grand corps ſouuerain de iuſtice, & nous donnez la force de tellement combattre l'ennemy des fleurs de lis, qui demeurâs dans l'integrité de nos peres nous chaſſions *Sejanus* & ſa tyrannie, nous faſſions voir à la poſterité que nous auons encores aſſez de courage & de force pour maintenir noſtre Roy, les droicts de ſa Couronne & la iuſtice, la deffendre de l'inuaſion de ſes ennemis, & empeschier l'audace & insolence de tous ceux qui ſ'y voudront rendre contraire.

SIRE, les larmes de voſtre pauvre peuple n'ayent peu eſtre veues des tendres yeux de V. M. ny leurs ſouſpirs & voix mourantes ouyes de vos ieunes oreilles. ſouuent toutesſois paruenues iuſques à voſtre chambre ſouuent representees à voſtre Conſeil, tousiours meſpriſees par *Sejanus* qui y preſide, ce grand Roy des Roys les a en fin exaucees, & parmi ce grand deſordre, au milieu de nos fers, dans l'abbandon & la licence du vice, à la veille de noſtre perte, a inſpiré la volonté de monſeigneur le Prince de les vous faire cognoiſtre, & les vous repreſeter.

La lettre qu'il eſcriuit dès lors à la Royne voſtre mere, à la conuocation des Eſtats qui ſ'en eſt enſuiuie, telmoignant aſſez ſi la plainte eſt iuſte & la

reformation necessaire, car qui veid iamais Majesté si mal servie, les Princes & grands si peu respectez, la Iustice si mal administree, vos finances si ruinees, la Noblesse si fort mesprisee, le peuple si opprimé, les charges & dignitez si mal departies, les benefices si mal pourueuz, les offices à si haut prix, & la Couronne en si grand hazard.

Mais SIRE, ceste belle esperance que nous auons conceue s'est esuanouie, l'assurance que nous auons prise, & quelque reformatiō est demeurée vaine, & ne nous en reste que le seul desespoir.

Le Clergé qui est l'ordre le plus saint & sacré, a courbé, a fieschy sous l'assurance de continuer ses desbauches, s'est mesme roidy contre vostre auctorité, & a trouué bon qu'on mit la sacre personne des Roys, à l'abandon & à la mercy des assassins, dès aussi tost qu'on leur a eu rassuré leursdits benefices en faueur de leurs creaditeurs.

Temesticoles voulant leuer par force la crue des tailles sur les adriaux, leur fit entendre qu'il leur apportoit deux puissans Dieux, amour & force, mais ils luy respondirent qu'ils en auoient conuaincu deux plus puissans, sçauoir pauvreté & impossibilité.

Hé qui ne s'est point plaint de ces charges, vostre Maiesté l'a veu par la declaration que la Noblesse en a faictes au Chancelier, imprimees & portées, non pour deux ou trois de ce corps: mais par deux cens qui ont protesté de la soustenir à la poignée de leur espee, attendant que vostre Majesté leur unaye fait iustice.

Le tiers Estat s'en est scandalisé, & s'estant veu seul mal traité pour auoir bien seruy, soustient les droicts de vostre Couronne, la liberté & seurété de vostre personne, vous a déclaré qu'il ne pouoit plus supporter le faiz & si dures & pesantes charges, qu'impuissamment & impatiemment & les deputtez de cet ordre vous ont assez tesmoigné & aduertiy qu'ils ne pouoient retourner chez eux en assurances de leurs personnes, si vostre Maiesté ne les contentoit de ce qui leur a esté promis, & dont lettres ont esté escriptes & enuoyees aux Prouinces.



Mais tout cela n'a seruy d'aucune chose sur l'inhumanité de *Sejanus* sur les mauuais desseins, vostre Parlement en fin a pris partie du malheur de la France, & continuant à l'endroict de vostre Majesté la fidelité & deuotion dont il a esté de tout temps admirée auoit ouuert la porte aux remedes, & par son arrest du 28. Mars, qui porte semonce aux Princes & grands du Royaume de se rendre au Pallais, esperant de seruir vostre Majesté si puissamment si vtillement, & avec tant de gloire que vostre regne en eust esté beny de Dieu & des hommes : & estoit ceste action si glorieuse & si grande qu'il en eust esté memoire à iamais.

A cela vos mauuais Conseillers, les mauuais François opposent que cest entreprendre sur vostre auctorité que le Parlement ne doit cognoistre des affaires d'Estat, comme si c'estoit chose nouuelle, & dont en fut sans exemple dans l'histoire que le Parlement representa à son Roy, ce qui regarde le bien de ses affaires, & les desordres de son Conseil, comme si en l'annee quatre vingts dix sept, le mesme Senat n'auoit pas faict le semblable à l'endroict du feu Roy vostre Pere estant lors à Fontaine-bleau, L'achilles François, le baston de Iustice, le Sieur Harlay parlant, accompagné de bon nombre de Conseillers de ladicte Cour, comme si ne luy auiez pas ordonné lors que la Royne fut faicte Regente dans les Augustins, comme en fin, si vous ne luy auiez pas tant fraichement commandé pour faire declarer Monseigneur le Prince criminel de leze-Majesté.

On met la Royne en ceruelle, en ne veut poinct que ceste assemblee ce face, & deslors *Sejanus* qui voit ses actions descouuertes, sa vie cognene de tout le monde, qu'on trouue des promesses faictes pour luy, à la charge d'expedier & faire des Arrests du Conseil que son hōneur est perdu, & que son biē & sa vie courēt risque, destourne l'effect d'un si aduantageux & hōnorable dessein, dōne l'alarme bien chaude, & faict sonner le toxin cōtre vn corps delu-

Etice, fidel & tres-obeissant.

Ce Parlement est mandé, on veut voir les remonstrances, elles vous sont presentees, elles vous sont leues en plain Conseil, mais la responce n'est que menaces, la satisfaction que le mespris & le bô gré de se seruice, que desfences de passer plus outre.

On faict plus cas de *Sejanus* declamé contre ce Senat, Bullion, & Dollé, publiquement oppinent à la mort de quelques vns, des Presidens & Conseillers de ce corp, on les menaces en vostre preséce, & deslors l'on minutte des arrests fulminez, pleins de passion & violences & de rage, on nomme les remonstrances, calomnies, rebelle du Parlement, entreprise sur vostre auctorité, leur deuoir & le bien de l'Estat, crimè de leze Majeste, avec des parolles pleines d'ignorances & de peu de uerité.

On veut aussi tost armer Paris pour se saisir de la personne de monseigneur le Prince, on faict aduancer les compagnies d'Ordonnances, & les cheuaux legers, pour inuestir S. Maur des Fosse, on le suit à Creil, à Clermont, à Coucy pour le prendre, & peu de uoy on ne pouuant aucune chose on y coust celle du Renard; car sous pretexte d'amitié & de reconciliatiõ, on enuoye monsieur de Villeroy pour conferer avec luy, & pourueoir à ce desordre, & en chercher le remede, mais tandis qu'on s'amuse sur ce traicté, le sieur Phelippeaux, Pont-Chartrain est depesché avec charge segrete du tout contraire, & par sa creance & par ses discours a rompu vne si belle conference qui permettoit tout bié à l'Estat, & offence mondit Seigneur le Prince, & ledit sieur de Villeroy.

Vn certain Empereur fist venir à Rome Archelais sous feinte d'amitié, l'accusa, l'arrestast, & le feist mettre en prison, le fist mourir, & rédit sô Royaume tributaire à l'Empire Romain.

Et qui ne voit que *Sejanus* qui ayme la confusiõ uile & le e, it deslogeant que ceste conference estoit roseul acheminement des affaires, & que l'eschet en rdmboit sur sa teste, la voulu rompre rendre inutil, & la conduite honteuse audit sieur de Villeroy, & que



qui ne sçait son ancre sacree, & que son refuge & son salut a esté de recourir à monsieur d'Espernon & le cōiurer par les dignes & signallez seruices que chacun sçait de ne l'abandonner point en occasion si importante & si necessaire, & persuader la Roynie de rompre ce pourparlé, & mettre ledict sieur de Villeroy en deffiance prez d'elle.

Cesar craignant de rendre compte des charges quil auoit eues s'empara de l'Estat & se feit souuerain, & Pericles ietta le peuple d'Attènes à la guerre pour le mesme subiect, ainsi faiet *Sejanus* lors que l'on parle de la recherche de sa vie, il arme tout l'Estat, & veut la guerre.

Ce pendant on ioue des mains dans Amiens, les soldats de la citadelle en esgorgent les pauvres habitans, Conchine faiet assassiner le sieur de Prouuille Sergēt major de la ville, apposte ses mousquetaires pour tirer sur monsieur de Longueuille & l'assassiner, chasser le braue Prince de son gouvernement en prent la place main armee, & se iette en lieu de seuteret, desarme la ville, & auctorise Migneux pour couper la gorge au domestique de se Prince.

Car il a bien consideré que le gouvernement de Paris dont il offroit quarante mil escus. Que la place de Gouverneur de Monseigneur vostre frere qu'il vouloit auoir du sieur de Breuc. Que le bois de Vincenne ny le chasteau d'Amboise n'estoient assez forts pour assseurer sa vie contre la haine generale & publique que la France a conceue contre luy : car de penser qu'un tyran se puisse garentir par force, cest un abus, tesmoins les Empereurs Romains, qui ne laissoient d'estre assassinez encorres qu'ils eussent quatre legions d'ordinaires pres de leurs personnes seul soing que traueille *Sejanus*, pour estre maintenu.

Vostre Maiesté a veu par la lettre de monsieur le Prince, & par sa declaration la tres-humble submission de l'obeissance qu'il apporte à ce qui est de vos commandemens, il ne dispute point vostre mariage, il ne vous demande ny argent, ny hon-

neur, ny dignitez ny recompence ny places fortes ny aucunes choses pour son particulier, comme des ennemis publient, & que l'on a fait escrire au Parlement, & par toute la France sous le nom de vostre Maiesté, son vniéque but est vostre seruice, & pour son affection le bien de vostre estat, Il ne crie que iustice & là vous demande, tres humblement contre le Marquis d'Ancre & sa femme, Contre le Chancelier, & le Cheualier de Sillery son frere, contre Bullion & Dollé, vous demande encore iustices de l'assassinat de Prouailles, la resolution des cahiers des Estats generaux & le soulagement des oppressions que le peuple souffre, & nous adioustons à ces iustes presentes, demande iustice de l'execrable assassinat commis à la personne du feu Roy dont le sang crie vengeance ou sont donc les interests particuliers, dont est parlé par les lettres, où sont les cōmis dont on veut noircir la fidelité de monsieur le Prince, & des Princes & Ducs qui l'assistent.

Et pour cela, faut-il que *Sejanus* vous porte à la guerre qu'il embrase les quatre coins de vostre Royaume, & qu'il le mette en cendre, faut il Sire, que pour six personnes vn monde dames perisses, vos villes ce ruinant, & la France deuiet vne forest. Quoy ? pour cela faudra il exterminer la maison de France, & sous des colonnes de *Sejanus* auctorisee de vostre seau, & d'un Arrest falsifié par des pensionnaires perdre vostre sang & vos subiects.

Quoy ? parce que Monseigneur le Prince veut le seruice de vostre Maiesté, que monsieur de Longueuille ne se laisse point assassiner, & s'en plaint. Que monsieur de Mayenne se contient en respect & en l'obeissance dans vostre seruice, & que Monsieur de Bouillon ne veut liurer Sedan à la rage Espagnole & Italienne, on les veut declarer criminels de leze Maiesté, & pource on a peu falsifier les arrests, & les resolutions du premier Senat de l'Europe les faire supprimer & publier à son de trompe.



Monseigneur le Prince au nom de toute la Frâ-  
ce, au nom de toute l'Europe, De tous vos amis  
& alliez, vous demande iustice, voyons si vous la  
luy pouuez refuser, & si des personnes de neant, il  
faut reietter la voix de Dieu, puis que celle du peu-  
ple est aussi nommee vostre office de Roy, sa quali-  
té de premier Prince de vostre sang, & tres-hum-  
ble subiet l'atrocité des crimes, & le sacré sang de  
vostre pere vous y obligent.

Les Roys Sire, ont estez instituez & establis à  
ceste fin, car laisser la terre à la discretion des hom-  
mes, viure sans iustice cest à dire sans société est  
chose du tout impossible, d'où est venu que les  
hommes melmes se sont ordonné des loix, si nous  
en croyôs nos liures, & les sainctes lertres nous ap-  
prennent que les Roys ont esté faicts de la  
main de Dieu pour regir les peuples, Aussi leur of-  
fice n'est autre que de faire iugement & iustice,  
(dit saint Hierôsme) & deliurer de la main des  
calomniateurs ceux qui sont opprimez par la for-  
ce & puissance.

Je suis (dit vn grand Prince) celuy d'entre les  
mortels qui a esté agreable & esleu pour repre-  
senter les Dieux en terre, arbitre de la vie & de la  
mort du peuple, & distributeur de la fortune d'vn  
chacun.

Considérez & meditez ses patolles, Sire, & vous  
verrez à quoy vous estes obligé. Le Prince (dit Sê-  
neque) doit prendre vn soing entier de la chose  
publique, se charger des bonnes & mauuaises fortu-  
nes du peuple, s'oublier soy mesme pour l'amour  
de ses sobiects, estre importuné de diuers messa-  
gers, respondres à tous, auoir l'œil sur tant de ville  
& nations & prouinces, & trauailler iour & nuict  
pour le salut de tous, Qu'est-ce à dire, sinon que la  
charge du Prince, & son but ne doit estre autre  
que le salut du peuple? c'est à dire faire iustice.

Oyez & prenez ce que disoit Tybere au Senat  
de Rome, & vous iugerez avec quel conscience on  
vous persuade de batouier les Parlements, ie vous  
ay dit plusieurs fois (disoit ce Prince) & le vous dit

encore que tout bon & iuste Prince doit seruir au Senat à tous les cytoyens le plus souuent & tousiours à chacun d'eux en particulier, & ne me presente point de l'auoir dit ainsi, belles paroles dignes d'un grand Monarque, & qui ne peuvent estre prononcee que par un esprit vraiment diuin, voila l'étiere instructiō d'un Prince, quil serue (dit il) c'est à dire qu'il escoute, qu'il defere au Senat, qu'il croye les bons & fidels Conseillers, qu'il cherche & procure le bien du peuple, & qu'à chacun il face iustice & empesche les oppressiōs, hors de la il n'y a point de Prince.

Ce que Trajan considerant lors qu'il donnoit au preteur l'espee de iustice avec pouuoir de vie & de mort, tenez (luy disoit il) si ie commande quelque chose avec iustice pour le salut de tous employez la pour moy, si autrement, vsez en contre moy.

Representez vous que les Roys ne sont que debpbitaires de Courōnes, & de faict Adrian l'Empereur auoit coustume de dire qu'il se porteroit à la direction de la chose publique, comme si l'affaire du peuple estoit la sienne propre.

Ceste vieille eust bonne grace qui demandant iustice à ce mesme Empereur apres plusieurs remises l'arresta toutcourt, un iour qu'il alloit à la chafse, & eust la hardiesse de luy dire, rendez iustice ou ne soyez plus Roy. Mais quels inconuenians & malheurs n'ont point suiuy les Princes qui ont defini la iustice à leurs peuples? Philippes pere d'Alexandre, & Demetrius Poliocertes en ont laissé de beaux exemples à la posterité, au cōtraire les Royaumes qui ont esté regis par iustice, ont tousiours esté florissans & les Roys heureux qui l'ont maintenue.

Laiſſons les Philippes, les Cefars, les Claudes, les Traians, & tous ces vieux Romains, iettons les yeux sur la iustice de l'Empereur de Bizance, voyōs Toſſilla ce fleau de Dieu, de qui les actes de iustice sont si remarquables qu'ils feront rougir de honte les Chrestiens.

Mais nos Roys de France, Charles 8. S. Louys &



ses descendans nous enourniroient de plus frais,  
& de plus rares si nostre dessein estoit d'en faire vn  
ramas, il nous suffit de vous dire que le Royaume  
n'a esté soustenu de ceste presente main de Dieu,  
sous le regne mesme du feu Roy vostre Pere, que  
par les actes de sa Iustice.

Vous Sire, particulierement estes obligez à ceste  
mesme iustice, & quand il n'y auroit autre obliga-  
tion que le serment de vostre sacre, c'est chose si  
importante à vostre salut, & de tout vostre peuple  
que vostre Majesté ne s'en pourra iamais desdire  
nó pas mesme le differer ou conuier, sans vne ap-  
prehension perpetuelle de la main du tout puissant.

A l'esgard des hommes desquels vous ne rele-  
uez en aucune façon, encorés y estes vous obligé si  
les parolles des Roys sont veritables & plaines  
d'effect, particulierement à l'endroi& de Monsei-  
gneur le Prince, car sur les plainctes qu'il vous fist  
par ses lettres du mois de Feurier 1614. des maluer-  
sations de *Sejanus* & ses adherans, voicy les mots  
de la responce que la Royne vostre mere luy escri-  
uit, en tout cas dit elle mon neveu, les fautes sont  
personnelles, si aucuns d'eux (parlant des dessei-  
gnés) c'est tant oublié que de manquer au deuoir  
de sa charge, i'entens plustost le condamner que  
l'excuser.

Parolles dignes certes d'une grande Princeesse &  
d'une Royne de France, mais l'execution en seroit  
bien plus glorieuse si elle en eust esté faicte ou si  
elle l'estoit à present, car qui doute que ce tyran  
n'ait abusé du deuoir de sa charge, n'ait ruiné ce  
Royaume, & l'ait perdue de reputation par ses  
concussions, volleries & trahisons, en pouuons  
nous doubter apres la denonciation de Monsei-  
gneur le Prince qui a offert de sa vous iustifier, &  
que le Parlement de Paris demande permission d'y  
pouruoir? voudriez vous en fin refuser la Iustice  
que vous auez promise, iuree, & que vous leur de-  
uez? quoy faudra-il que nous fassions venir en Frã-  
ce vne vieille estrangere pour vous dire faictes iu-  
stice ou cessez de regner?

Encore la Royne vostre mere peu instruite desdits desordres & de leur auteur, à raison de se plaindre audit Seigneur Prince de ne l'en auoir aduertie, car elle luy en eust fait raison comme elle luy promettoit, mais que faites vous a present que vous le sçavez & que vous les cognoissez? laisserez vous la parole engagée, sans executer ou paracheuer vne œuvre si sainte & si salutaire, meisme estat majeur, estant Roy, & pouuant parler en Roy.

Voicy les mots de sa lettre, ie me veux plaindre (dit la Royne) de vous estre deslé de vostre creance & puissance enuers moy, & de mon affection enuers vous, d auoir laissé passer si long temps de ma Regence, sans m'auoir aduertie de leurs deportemens, si les auez recognus preiudiciable au public, l'y enste pourueu par vostre bon aduis, & me promets tant de la reuerence qu'ils portent à mes volontez & a vostre personne, que pour nous complaire se descharger du fardeau qu'ils supportent, & contenter le public, ils auroient eux mesmes remis leurs charges à ma deposition, au premier signe qu'ils en eussent receu de moy, comme ils m'ont publiquement & particulièrement déclaré sur vostre dicte plaincte, & qu'ils sont encores prests de faire à la premiere semonce qui leur en sera faite de ma part.

Ces personnes si saintes & si obeysantes (Sire) que la Royne excuse par sa lettre, ie dis ces saints tiranneux auront-ils changé d'humeur à present? il n'est pas possible ny croyable qu'ils veulent contredire ce qu'ils vous ont offert, & puis qu'ils se soumettent à l'examen de sa iustice, qu'ils déclarent en particulier & en public vouloir contenter la France, & se demetre de leurs charges, pourquoy ferez vous la guerre à Mr le Prince? pourquoy exposerez vous vostre Royaume en proye, & le ferez deuorer par le feu d'une guerre intestine?

Guerre qui affoiblit vostre auctorité, incommode vostre personne, ruine l'Estat, dissipe vos subjects, & fait dependre de la discretion & de la mercy de vos voisins, & de vos ennemis. & tout cela



pour maintenir ces pestes publiques.

Nous n'auons point encores oublie nos dernieres fureurs ciuilles, nos campagnes ne sont point encores desgraissees des corps morts que les ont couuerts, nos riuieres, nos fleues & nos fontaines rougissent encores du sang des François, & voulez vous Sire, que pour six ou sept personnes qui ruinēt vostre Majesté nous peussions tous destourner destournez ceste malheureuse destinée de la France, soyez Roy & Roy des François.

Decernez Sire, decernez commissions au Parlement pour informer cōtre les tirans de vostre estat, ordonnez luy d'en faire iustice, & nous voilà apres tous contans, plus de guerre, plus de troubles, il n'y a que les mechās qui apprehendent la venue de la iustice, & qui ayment la confusio, car outre l'assurance qu'ils ont d'eschapper par ce moyen le iugement des hommes, encores ont ils cest auantage de pescher en eau trouble. la vie d'un homme de bien doit estre semblable au bastiment de Iulius Drusus, si ces gens sont si iustes, & s'ils ont bien vescu qu'apprehendent ils? yne ame nette ne doit rien craindre.

Scipion l'Africain, l'honneur de son age, Scipio Asiaticque, Lulius & Ciceron iettez eux mesme dans les hazards de la censure, Et pourquoy ces gens icy ne la souffriront ils pas?

Mais Sire, voicy ce qui les touche, voicy le ver qu'il leur ronge l'ame voicy en vn mot le bourreau que sent *Desseins*, car qui peut ignorer le train de sa vie: qui les entreprises qu'il a faicte en Suisse en sa premiere Ambassade, ayāt osé baillier des passeports aux ennemis de cest estat qui courroient lors sur la vie & sur la Couronne du Roy Henry troiesme. Et apres du feu Roy vostre Pere? qui ne scait la lacheté qu'il fist à l'endroit des Suisses lors de son depart, les deniers qu'il leur vola à la honte & a la perte de la reputation, & de l'honneur de la France, la trahison qu'il commist à Rome, & ce qu'il a faict depuis son retour, ses pratiques mesmes, & les pensions qu'il tire tous les

ans des estrangers, la ligue que son fils à faicte( du moins renouuellée ) en Espagne , & les presens qu'il en a rapportez avec lesquels il a tellement enflé les voilles de son ambition, qu'il medite desja la la souueraineté du monde.

Bourg a esté desmoly contre l'aduis des Princes & principaux officiers de la couronne , la fidelité du sieur de Boesse offécée, le sieur de Requié chassé de Metz & exposé à la rage de ses ennemis , l'amitié & la bonne affection d'Angleterre fort alterée, l'alliance du pays bas sinon du tout ruinee , du moins bien esbrälée, celle de Venise mesprisee. Le Duc de Sauoye habandonné, les François qui l'ont assisté pendus & estranglez, & taillez en pieces, Sedan mis en proye à l'Espagnol , ceux de la religion mal traittez, par tout opprimez menassez & intimidez sans qu'on daigne respondre, les cahiers ny leur faire iustice, Amiens, Peronne, Montdidier, Roye & autres places frontieres baillees à Conchine, Marmoutier & Tous baillez à son beau frere, qui ne scait presque lire ny escrire, Les Garnisons remplies d'estrangers, l'ennemy de la France placé dans vostre chambre. L'Ambassadeur d'Espagne en vostre Conseil, Dollé intendant , tout cela & vne infinité d'autres commis que l'obmets, & qui seront representez & iustifiez, ailleurs a esté faict par l'aduis, & par l'auctorité de *Sejanus* , & pour son profit, & qui pourra croire que ses dignes actions luy soient instructueuses , puisque ce sont autant de crimes de leze Maesté si les loix de la France meritent d'estre creues?

Vos tresors ou plustost ceux de la couronne sont vollez, hélas! Henry 4. mon grand Prince qu'estoit il necessaire de fatiguer vostre vie & suer si long temps pour rendre vostre Frâce riche, opulante & redoutable à tout le monde: puis-que à present l'on l'a fait esclau de vos ennemis pauvre & du tout miserable, tant de millions que vous avez mis dans la Bastille sont esuanouis, *Sejanus* & Conchine les possèdent, enacheptent des principautez-souueraines, des Marquisats, des Cō-



tez & des Baronnies , font bastir des superbes & Royales maisons , partie de la Picardie , partie de la Normandie , tout le domaine de Ponthoise à vn autre Seigneur qu'à vous , les acquisitions s'en fôt sous noms supposez & confidant , le greffier de la grange baille tousiours ses contre lettres , mais la possession en demeure à *Seianus* , les banques de Lion & de Venise ne sontournies que des deniers qu'il vous à volez , les accademies à Paris , ne s'entretiennent que de billets & promesses du tresorier de vostre espargne ou de feu d'Argouge , que Conchine ioue à trois dez les cent mil pistollés , ne coustent que le masses à vn seul coup vn tapo trãge vn paroli & riparolly , l'argent de la Bastille est conuertí en vstancille de cuisine , en broches , leche frites , chenets d'argent , arrousoiers de iardins , & employez pour la despence & pour la garde des assassins du feu Roy vostre pere. C'est le Conseil de *Sejanus* , c'est l'aduis de Dolé & de Bullion & ses Colporreurs.

Helas ! quel compte pensez vous qu'on vous rende de ses deniers que depuis peu on a leuez à l'accoustumee , *Seianus* vous employera de vieilles debtes qu'il acquiert au quart de ceux à qui elles sont deues , & qui en poursuient le payement au Conseil , le remboursement de quelque vieille quittance d'office dont la finance n'est entree dans vos coffres , quelque mauuais debt d'un compte d'un partisan , disons plus vne infinité de despences imaginaires & supposees , de fauces quittances , de rolles faux , de contracts expediez à son profit , & de la marquise contre vos reglemens , les dixhuit cens mil liures pour vn coup ne luy coustent rien tout luy est permis , pourueu qu'il tourne à son aduantage.

Il estoit bien permis à Pericles d'employer dix mil escus en sa despence de ces comptes sans acquit mandement ny en dire la cause , parce que sa prudence , sa preud'homme & sa loyauté estoit cõgneue de la Republique , mais qui ne sçait & cõgnoist l'auarice & la desloyauté.

Aussi est cela la raison pourquoy la Chambre des Cōptes fort prudemment na voulu verifïer l'acquit qu'il en auoit scellé, & qu'elle a protesté de ne le cōsentir iamais estant tresueritable que les deniers de la courōne (ceux là particulièrement) ne pouuoïent estre enleuez que pour chasser l'ennemy du milieu du Royaume, s'il y estoit entré suiuant l'Arrest qui en fut faict au Conseil, les Princes & Ducs, presens, peu apres l'assassinat du feu Roy vostre pere.

Mais dequoy sert-il de faire de beaux arrests en vostre Court, puisque *Seianus* les mesprise, ny a aucun esgard, & passe par dessus tout, cest arrest est aboly par vn autre du tout contraire, la force & la violence peuuent & osent tout, les loix ny les hōmes mesmes ny sçauroient faire resitance, la Bastille est forcee, l'argent enleué par commandement de *Sejanus*, & pour auctoriser cet acte inouy commis dans la ville de Paris à la face du Parlement, on y faict trouuer vostre Maïesté, la Royne vostre mere & quelques intendans & Financiers, Dole & Bullion par tout.

On rompt les portes, les tonneaux, & les bariques du tresor sont enleuees & conduites chez le Marquis d'Ancre, dissipées & mangées auant d'estre distribuées, Sire, il n'est pas licite au souuerain d'abuser des tresors de l'Estat, d'autant que le Royaume (comme dit Cassiodore) n'est autre chose qu'une republique sous la garde du souuerain, ou de faict Pericles fut griefuement repris de ce qu'il auoit dit aux Ambassadeurs des allies qu'ils n'auoient point d'interest, à quoy les finances feussent employées.

Si du moins on les auoit faict passer par l'Esparagne ce seroit quelque chose, mais le sieur d'Arbaud ne les prend que sous son recepicé, & les renuoye à mesure que *Seianus* ou le Marquis luy en escriuent, & que son recepicé est deschargé sans en vouloit compter.

Il y a fort long temps Sire, que *Sejanus* meditoit l'execution de ceste souueraine entreprise, ce n'est pas sans cause qu'il a chassé le Duc de Suilly des

finances, & de l'arsenal, qu'il luy a osté la Bastille & la force de vostre canon pour faire tomber és mains du Cheualier de Sillery sôfrere, Suilly que le feu Roy vostre pere a tant aymé & cheri pour son merite, fidelité & capacité, Suilly à qui vostre Majesté a l'obligation des tresors qui estoient en reserue du rachapt de tant de millions de domaine & rentes que vous deniez, & de tant de millions dont vostre Couronne estoit engagée enuers les estrangers.

Ce n'est pas sâs cause encore vn coup Sire, *Seianus* entreprend sur vostre auctorité, & si les bons & vieux seruiteurs du feu Roy vostre pere qui ont le mieux fait, & qui iusques à present ont maintenu vostre Couronne, sont chassiez, les vns menassez de bastonnades, les autres mal traictez & bannis de la Cour & des affaires, les fausses accusations & les calomnies ne sont point encores esteinctes, il se trouuera encores ie m'assure quelque nouuelle mendiolle pour attaquer Mr le Grand Escuyer, & Moisset, & faire bailler leur confiscation à Cōchine, quelque Iuif ou Maranne qui pourra entreprendre d'empoisonner nos Princes, on enuoye desia le billet aux Officiers souuerains pour n'aller plus au Pallais sur peine de la vie, on les retient prisonniers dans leurs Hostels sans oser sortir, on les menace de coups de dagues, le temps de Bussi le clerc reuiet, on veut loger le Parlement dans la Bastille, on a commecé a enleuer l'un des Presidens pour l'assassiner, ou l'empoisonner, ou le confiner à Amboise, cōme aussi a-on exilé de vos meilleures villes, plusieurs autres bons bourgeois & Citoyens plus affectionnez a vostre seruice que ne fut iamais ce coyō, bon Dieu quel siecle est celuy-cy ou les bons souffrent, & les meschans sont portez.

Vostre Parlement en ses remonstrances nous a fait veoir a l'œil & toucher au doigt la dissipatiō de vos deniers, les volleries qui ont esté commises, & s'est offert de vous le iustifier, que faut-il d'auantage pour conuaincre *Seianus*.

C'est ce grand corps de iustice qui le vous dit cest l'oracle de verité qui le vous represente, &



pour cela on le menace, on luy defend d'aller rendre iustice, on arrache ses officiers de leurs logis pour les mettre au liét de la mort.

Mais Sire que dira *Seianus* sur la necessité de vostre espargne, comment est-ce qu'il courra les emprunts qu'il faict faire comment les interrests que vous payez, tandis qu'il iouit du principal de vostre reuenu, on vous menasse Sire, d'un recullement des rentes, on nous assure du retranchement des gaiges des officiers, on propose diuerses inuentions nouvelles qui sont desia receues en vostre Conseil vingt Edits de nouvelle creation d'office ont esté scelez pres d'estre enuoyez en vostre Parlement. Celuy des Procureurs est destiné par la Marquise, les arres & pot de vin en sont desia baillez à *Seianus*, le Commandeur de Sillery & Barbin en miuutes les arrestts, les thresoriers des pensions ne suffisent point pour auoir les Comtez de Montbeliard à l'un, & la grange le Roy à l'autre, ils se veulent estendre dans la France plus auant, il faut cent mil escus à *Seianus* pour auoir trefue, & quis'en pourra estonner.

La loy *Claudia* deffendoit aux seruiteurs Romains d'auoir aucun vaisseau de mer qui portast plus de quarante tonneaux, *Quastus* (dit Tite-live) *Patribus in decorus visus est*, mais cela n'a point de lieu en Frâce, puis que le vice s'est changé en vertu, & que estre homme de bien est deffendu sous le regne de *Seianus*.

Et cepédant en la necessité ou vous estes, *Seianus* ne voit point que nous scauôs que vos fermes sont augmentees de plus du tiers, la despence de vostre Majesté diminuee de beaucoup, si ce n'est les pensions quil a renforcees en faueur de ceux qui trahissent leur ordre & leur maistre, qui se sont departis de la recherche de & de ses actiôs qui le maintiennent & le portent en ses souspleffes, à ces nouveaux Conseillers ie dis à ses confidens, auxquels il a faict augmenter de plus de huit mille escus par an chacun, & qu'il faict gratifier iusques à cent sept mille liures de recompense en vne année,

au moins si vos pensions & dons estoient distribuez comme faisoient les Roys de Perse, & de Macedoine, ou comme faisoit celuy d'Egypte vers Aratus, qui auoit l'Estat des \_\_\_\_\_ à sa deuotion, cela seroit supportable : mais il les distribue à ses confidans & amis, & non a vos seruiteurs.

La passion Sire, ne me faict point parler, ie nay aucun interesi en ses affaires, mais la verité guide mes parolles, iamais *Catellina*, *Marius* ny *Silla*, dont l'histoire Romaine faict mention, ne furent si pernicious à l'Empire que *Seianus* l'est à la France, le Triouirat ne fit iamais tât de mal que *Seianus* faict.

Thibere fust merueilleusement blasme de ce qu'il ne fist aucune iustice des plainctes qu'on faisoit contre les vices, Consuls & Cōmissaires qu'il auoit estably es Prouinces, au preiudice des ordonnances de Rome, & gauguste son predecesseur, & dit l'histoire que cest vn des premiers traicts qu'il fit d'vn meschant Prince.

On vous pippe, on vous ruyne, on vous trahit, & vous ne voyez pas que *Seianus* vit dans la confusiō, comme le poisson dans l'eau trouble, que l'orage & la tempeste de l'esté est son port asseuré, que la cōcorde & la paix est sa ruyne, les guerres ciuilles ne sont iamais vtiles qu'aux meschas, qui ne craignēt pas moins la paix que la peste, ayant en tout euenement deuant les yeux la resolution de Cabelina, lequel lisoit qu'il n'auoit peu esteindre par eau le feu pris en sa maison, mais l'esteindroit en la ruynant, & de faict, il fust à vn point pres de perdre l'Estat, si le Conseil de Cicéron n'y eust remedié.

La presence des Princes cest vn Soleil bien clair, ou bien fort contre les broüillards de *Seianus*, il a beaultespoissir ses nuees impures d'orgueil, d'auarice, d'iniustice, d'ambition, de tyrannie, les rayons de ses Soleils dissipent tout, les fondent en eau liquide leur font rendre gorge, cest ce que *Seianus* craint, cest la meditation qui l'occuppe, cest en vn mot ou tous les ressorts de son esprit sont bandez, & vous n'en ferez point iustice à la France qui la vous demande avec larmes de sang?

Parthenuis fut lapidé pour auoir conseillé le Roy Theodebert de charger ses subiects de nouueaux subfides.

George Prescheron fut executé à mort pour mesme subiect, & fit perdre Henry de Suede, duquel il estoit Gouverneur.

*Seianus* faict pis que cela, & toutesfois il vit encore, n'en ferez vous point iustice, Sire, pour le moins souffrez que nous la fassions faire, si Commene a peu faire chastier Theodore s<sup>o</sup> fauori, pour auoir destourné vn bœuf seulemēt qui appartenoit à vn sien pauvre subiect, que ferez vous à *Seianus* qui vous volle, & vostre peuple aussi.

Vostre conseil n'est plus qu'une cohue, pis cent fois que le Chastellet de Paris, toutes choses telles quelles soit, y sont euoquees pour de l'argēt, l'expedition ne si faict qu'à force de pistolles, car pour la iustice on ne la cognoist point, cent escus font bailler auiourd'huy vn Arrest, & cent pistolles le font reuoker le lendemain, il se trouuera tel qu'apres y auoir eu dixneuf Arrests portant renuoy à vne Cour souueraine, sa partie a faict tout reuocquer par apres sur vne simple requeste, & moyennant cinq cens escus a faict retenir le procez audit Conseil, l'y a faict iuger, & a eu arrest, avec despēs contre sa partie.

Il s'en est veu mesme quelques vns, contre lesquels a esté necessaire que le grand Conseil (indigné d'une chicagerie si estrange) ait procedé par deffences sur peine de la vie de se pourueoir plus en vostre Conseil, & a esté verifié que pour vne affaire de dix escus, vn procez a esté traicté six ans entiers.

Cela ne suffit point, on y falsifie les Arrests, on les antidate, on les tronque, on les broüille, on les change, bref, ils sont faicts à la fantaisie de ceux qui donnent le plus à *Seianus*.

Tous crimes, routes recherches, toutes malversations sont abbolies par arrest moyennāt de l'argēt.

Et outre que pendant l'assemblée des Estats tenus en ceste Ville, autres offres estans faictes beau-



troup plus aduantageuses pour le public, par lesquelles estoit offert payer aux bourgeois les quatre quartiers des rentes constituées, au lieu qu'il ne leur en a esté payé que trois, cela auroit encore esté reiecté par *Seianus* sous ombre des pistoilles touchée, & l'acte desdits offres avec les sommations & protestations en sera representée autant que la pierre en deura estre remuée.

Demonceaux vostre Procureur General en la Cour des Aydes, a fait la preuve que toutes maluerfations sont abolies pour de l'argent, puis que pour se garantir du naufrage ou les concussions l'auoierté, il a mis les mains de *Seianus* la procuration *ad resnandum* de son office, pour en disposer à son profit, bref, les Arrests si vendent à pistolles, Thomassin, Chalopin, Henyn, Mauroy, l'Huillier, Berruyer & le Cler en sont les colporteurs, il faict des parties casuelles de la reception des Aduocats, au Conseil ce n'est plus que brigandages, les promesses de don, faictes au Commandeur par Rousselet, dont le Parlemēt de Paris est saisi, en sont tesmoins, le mesme est de celle de Guibert & Blanchard, dōc l'histoire est pitoyable, & a qui on faict porter la peine du crime d'autrui: mais aussi pour recompense leur reestablissement est assuré, la confiscation remise, & gratification promise au retour du voyage de Guyenne.

Voyez l'industrie de *Seianus* pour s'excuser & se couvrir, y fist chastier d'une main, mais pour garder qu'on ne le descouure il recompense de l'autre, & cela faict il, depuis la plainte & les remonstrances du Parlement, afin que ceux qui ont traicté avec luy pour semblables affaires, se contiennent en silence & en respect.

Venons aux seaux, & à ce que vostre Parlement vous en a dit: adioustons que tout si faict pour de l'argent par l'entreprise de deux orgueilleux coquins, Renoiart & Luffon, le crime de mesme de leze Majesté y sont remis, les euocations, les remissions les abolitions, les rappels de galleres, les respits, les leuees de deniers, les Edicts de créations

d'offices, tout y passe, *Sejanus* casse & restablit qui bon luy semble, faict reuiure les offices supprimez, establit des officiers aux chancelleries, leur attribue des droicts à la foule du peuple, augmente la taxe des lettres, crée des nobles en France, en prend les deniers & finances.

Il faict par tout du souverain, iusques mesme à prendre 20. sols sur chaque lettre de maistrise, sous pretexte du controolle dudit Renouart.

Mais qu'est ce que *Sejanus* ne faict point aux finances, à ce petit Conseil qu'il nomme direction prinée, il ny a affaire qui si traicte dont il ne faict argent, tous les partis & vos fermes luy sont tributaires, il ny a partisan ny fermier qui ne luy doieue hommage: ie dis vne rente annuelle, & son droict d'entre ceux mesme qui poursuiuent quelque remboursement au payement des debtes, sont contraincts d'en traicter & composer, tousiours rabais & desdômagement en voye, tousiours folles, en cherit chez luy, tousiours partisans à ses trousses, pour auoir des diminutions de charges, ou bien des augmentations de nouveaux droicts & de plus longues annes iamaïs rien à vostre profit.

Cesar en son premier consulat fit rabaisser les encheres des fermiers apres auoir eu les mains graissees, Metellus tribun du peuple osta le peage d'Italie, moyennant de l'argent qu'on luy donna, Pericles fit distribution en Athenes de quelques deniers qui reuenoient de bon des finances en faueur de ses fauoris, Sire, voila le train de *Sejanus*.

Et qui ne sçait ce qu'il a faict depuis fort peu de iours sur le party de feu Charles Paulet, à la poursuite de la Marechalle d'Ancre, & de Dollé qui y prend part, & si est associé sous le nom d'un de ses confidens, ce qu'il minute sur la ferme de Lyon en faueur de Bullion, & le bon est que les beaux Conseillers partisans deffendeurs sont tousiours commis & deputez pour les executer, tellement qu'il ne faut plus s'estonner de la bonne Iustice.

Qui ne sçait encore vn coup ce qu'il a faict sur les confirmatiōs des offices ayāt pour en profiter, faict

falsifier

falsifier le roolle destaxes, surcharge les officiers des Prouinces de plus qu'il n'auoit esté arreſté, & dont l'on a compté, les ayant de plus obligé à vne prouiſion de ſix eſcus chacun, & a des fraix qui ne furent iamais veus ny deuz, combien de concuſſions, combien d'oppreſſions a-il fauoriſees & autoriſees par lettres du grand ſeau, & arreſtre du Conſeil pour cet effect, & qui ne ſçait l'hiſtoire des quatre baux, & la iuſtice que le Parlement de Bretagne a esté contrainct den faire.

Digne & celebre Senat qui a teſmoigné à la poſterité que le ſeul ſeruice du Roy & le zele de la iuſtice eſt ſon but & ſon Phare, ſans apprehender ny craindre les fulminations de *Sejanus*, ſes menees ny meſme ſes recompens, digne encore vn coup que la poſterité en ſçache l'hiſtoire ſur vne table d'eternité, l'integrité de ce Senat & de ſes depputez ſoit grauee en lettre d'or.

Quatreuaux donc vollant & rauageant la Bretagne ſur le ſubiet des confirmations, les plaintes en furent ſi grandes, que voſtre Procureur general en ayant fait informer le Parlement, auroit condanné ce concuſſionnaire en l'amende honnorable la corde au col, eſtre tuſtigé & banny, cet arreſt eſt executé, *Sejanus* qui en ala nouuelle, & que par ſe moyen ſe voit fruſtré du profit qu'il en eſperoit, depeſche incontinent vn adiournement perſonnel contre ce Parlement, le ſieur de Luthumieres Preſident, aſſiſté de quatre Conſeillers dudit Parlemēt, vindrent ſe preſenter, demādēt d'eſtre ouys, *Sejanus* qui ſçait que les memoires de ſes Depputez ſont réplis de ſes faicts & geſtes, & que la charge qu'ils ont de la Cour, eſt de le denoncer leur trame, ceſte audiēce a long iours, & en fin la leur reſuſe, & pour faire trouuer doux ce reſuſus, leur donne vn Arreſt pour continuer leurs charges, & les ayant mandé chez luy, leur fiſt vne grande & belle harangue remplie d'artifice & d'hypocriſie, la fin de laquelle eſt qu'il offrit a ce Preſident deux mil liures de penſion par an ſur l'Eſpaigne, & douze cens liures à chacun des Conſeillers qui l'aſſiſtoient, leur demā-



de si pour leur particulier ils ont quelques affaires  
pres du Roy, ou quelque procez au Conseil, & leur  
promet toute sorte d'assistance, voyez, cherchez,  
demandez leur dit-il, ie vous feray bailler tout ce  
que desirez, Monsieur, respondent ces depputez,  
nous sommes venus icy pour rēdre compte de nos  
actions, & y servir le Roy, non pour auoir recom-  
pence ny gratifications, ny pour nos offices parti-  
culieres, vous remercions de vostre bonne volōté,  
n'estimant point que quant à present le Roy soit  
en aage de faire du bien à des personnes qu'il ne  
cognoist point ny leur seruice, mais quand il sera  
plus grand, & que Dieu nous aura fait la grace que  
sa Majesté pourra recognoistre mon seruice, nous  
ne refuserons point le bien quelle aura agreable  
de nous faire.

Grande & graue responce digne certes d'un  
President de Court souueraine, *Seanus* pensoit cor-  
rompre ses Senateurs, & il les trouue incorrupti-  
bles, il leur offroit de l'argent, ils le mesprisent, &  
se moquent de luy en vn mot, ce ne sont point des  
petits, Bullion & Dollé, ce ne sont point de chetifs  
Conseillers d'Estat & intendans des finances, ny  
des malautrus Messieurs des Requestes ou pensiō-  
naires à mil francs, non non *Sejanus*, ce sont des  
bons François, & vous iugez ce sont de bons &  
fidelles seruiteurs de Roy, qui ont porté leurs vies  
& leurs fortunes, & de leurs amis, aussi au secours  
du feu Roy deuant Amiens, lors que la Frāce estoit  
en sa crise, ce sont gens en effect plus dignes de  
vostre charge que vous.

Qu'on entre donc plus en admiration des mai-  
sons qu'il bastit & qu'il achapte tous les iours, &  
s'il possede & les siens toutes les principales & plus  
importantes charges, tout passe par ses mains, tout  
est fait pour luy, & ain que vostre Majesté sçache  
que ce ne sont point calomnies, mais veritez essen-  
tielles & substantes quant elle aura eu agreable  
de pourueoir sur les plaintes du Parlement, de per-  
mettre d'en estre informé, on les verifera sur pei-  
ne de la vie.

O que celuy est digne de louange immortelle, qui premier a mis au iour la verité cachee dans le puis de Democrite, c'est à dire ceste confusion, qui vray Prophete nous a denoncé les mal heurs que nous voyôs à present en l'Estat, qui en vray & fidel François en a baillé les aduis & les remedes à l'Assemblée des Estats, mais nous auons mieux aymé le perdre & nous perdre, que desplaire à *Sejanus* & seruir nostre Roy, ce n'est plus le siecle de recōpense ny deshonneur, nous mesprisons ce qu'il faudroit cherir par deuoir, & ce que nos peres auroient honoré & recherché dans les coings les plus esloignez de la terre, & a l'imitation du pourceau des Picurs, nous aymons mieux croupir das la boüe de la confusion & du desordre qu'auoit la gloire de bien seruir & de bien faire, *Sejanus* le voit bien, Sire, il le scait bien, c'est pourquoz il y continue, feu monseigneur le Comte de Soissons l'auoit menassé assez souuent de luy faire faire son procez, & en presence de la Royne vostre mere, luy auoit reproché sa volterrie & sa tyrannie, & si pour le mal heur de la France, ce grand Prince est mort, ces memoires ne sont point perdus pour cela, ny les tesmoins desbauchez de vostre seruice, dites & vous serez obey.

Memorables encores & digne que la posterité soit aduertie de ce qui se passa entre la Royne & ce grand Prince de France, sur le subiect de *Sejanus*. En Aoust 1612. ce Prince prenant congé de sa Majesté pour aller à Roüen, fut prié par elle d'embrasser *Sejanus* & le tenir pour son seruiteur, Madame repart ce Prince, le bien de vostre seruice ny celuy du Roy, ne demande pas cela, car si *Sejanus* estoit mon amy, qui vous diroit que le Duc de Soissons est vn brouillon, vn ambitieux qui veut tout faire, & auoir tout? & si i'estois le sie que vous diroit aussi que *Sejanus* est vn meschant & vn volleur, vn concussionnaire & vn traistre, personne ne l'oseroit dire. Et le Comte vous dit que pour le bien de vostre seruice il falloit prendre *Sejanus*, digne Prince de qui la gloire & le nom ne mourront iamais en l'ame des bons & fidels François.

On vous menace de la retraicte de *Sejanus* à Rome avec vn chappeau rouge, il faut qu'il se purge, & qu'il vous rende & au peuple ce qu'il a vollé, auparavant que d'estre admis à ce saint & sacré College, si ce n'est que pour auoir maintenu Rome contre son Roy, il merite vne abolition entiere sàs recherche, à cause de son nouuel serment.

C'est pourquoy il esloigne Monsieur le Prince, & les autres Princes, Ducs & Pairs qui sont avec luy, les veut faire assassiner, les veut declarer criminels, les veut rendre odieux à vostre Majesté & au peuple, deffend aux villes de leur donner entree ny passage, escript au Parlement des calomnies au lieu de la verité de leurs actions, & leur feroit s'il pouuoit de mesme qu'il a faict audit sieur Comte de Soissons, c'est à dire se defferoit d'eux, & ne trouuerons nous point en France quelque *Florus* ou *sacronis*, pour resister aux oppressions que les François souffrent.

Les assassins que Conchine commande sont auctorisez de *Sejanus*, poinct de iustice à Rib rpre, poinct à la veufue de Prouille, poinct à Mr le Duc de Longueuille, ensemble point à Monseigneur le Prince.

Les Princes sont plus mal traictez en France que n'a esté Rome Germanicus sous Thibere, les Cōseils de *Sejanus*, de Dollé & Bullion, sont suivis quād ils tendent à l'extirpation de la maison de France, à la ruyne de la iustice & de tout l'Estar ou à l'aduenement de Conchine.

Les forciers, les magiciens, les Iuifs, & les Anabaptistes sont establis dans vostre Louure, ils y exercent ouuertement leurs actes diaboliques, & ne sen cachent poinct deuant les Princesses de vostre Sang & grandes dames de France, on en fit venir de Florence qui sont auoüez par la Marechal-le, on ne croit, on ne cognoist tantost plus Dieu en vostre Cour, dans vostre chambre, Conchine prend à la gorge les Prestres qui detestent ces abominations, & en ptesence de la Roynne le veut estrangler, en vn mot, Sire, vostre Couronne est departie



entre *Sejanus* & Conchine, les princes de vostre Sang, les Archeuesques de vostre Royaume seront tantost tous menuisiers ou les lauandieres de Florence seront bien tost Princesses, vostre Majesté, Sire, la Royne vostre mere, Monseigneur vostre frere, Mesdames vos sœurs, & Messieurs les princes ne sont plus comptez en France.

Les grands leur obeyssent & les adorent, les fil des Roys tant ils sont lasches en recherchent l'alliance, & sen rendent les estaffiers, vne troupe de coyons de mil francs les suiuent a nos despens, & du peuple, ils gourmendent le peuple, possèdent toutes les bonnes villes, les tresors, les benefices, toutes les charges de vostre Royaume & de vostre maison, fouillent aux pieds la iustice, intimident & menassent la Royne iusques à luy faire ietter des larmes, rapissent à madame vostre sœur les bagues que la Royne marguerite luy auoit laissée par testament, vous le souffrez sans oser mot dire, *Sejanus* l'auctorise, & qu'estes vous apres cela? quelle part auez vous en ce Royaume, on a contenté d'vser & dabbuser de vostre nom, pour couvrir tant de crimes enormes, & les mariages d'Espagne, sont faicts plus pour leur seureté que pour le bien de vostre seruice.

La force de l'Estat n'est plus en vostre disposition vos finances & vos canons sont es mains de *Sejanus*, la caualerie & l'infanterie Françoisse sous l'ordonnance & controuille de son fils, vos places fortes ou ruynees ou consignees entre les mains des estrangers ou des assassins du feu Roy, les Princes esloignez, mal traictez, & courus, la iustice mesprisee & foullee, la Noblesse offence, le peuple & irrité, les villes mescontentes & mutinees, le clergé ennemy ouuert de l'auctorité des Roys, & peu soucieux de la conseruation de leurs sacrees personnes, les charges militaires, celles de iudicatures & des finances vendues & rauies à l'honneur, à la vertu, au seruice, au merite, & à la capacité, nos voisins amis & allies fort mal affe-

ctionnez, nostre ennemy est dedans vostre Royau-  
me, voyez Sire, l'Estat ou vous estes, le peu de  
moyen que vous auez de resister, & le precipice dās  
lequel *Sejanus* vous porte, car il est cause de nostre  
mal, helas que nous auons bien a apprehender le  
temps d'Achæus Roy des Lidiens, celuy de Denis le  
ieune, voire celuy de Theodorice Roy de France,  
mais bon Dieu destourne ce malhour.

Vn grand prince de l'antiquité demandoit à vn  
philosophe de son siecle, les moyens de remettre  
vn Estat qui estoit sur le penchant de sa ruyne, ap-  
prit que c'estoit en faisant iustice recompensant la  
vertu & chastiant le vice.

Toute la France, Sire, vous represente les maux  
que *Sejanus* a faiet en vostre Estat, vous en demāde  
iustice, & vous auez veu que l'Empire de Rome n'a  
peu euer sa cheute que par la mort de *Sejanus* Ro-  
main, que V.M. donc face iustice, & ne souffre  
point l'embrasement des plus beaux Royaumes du  
monde, pour maintenir contre les loix de l'Estat, la  
tyrannie que *Sejanus* & les autres mauuais Fran-  
çois exercent sur le peuple.

Et afin Sire, & pour vous faire entendre qu'il ne  
peut entrer en la creance de tous vos subiects que  
vouliez mettre en oubly la mort du feu Roy  
vostre pere, mais au contraire que vous voulez sen-  
siblement rechercher & exterminer ceux qui en se-  
ront trouuez coupables, comme sçent fort bien  
faire le Roy Louys 3. celuy qui auoit faiet mourir  
Charles le simple son pere, le discours de ceste  
mort & de la punition de l'assassinat est icy ve-  
ritablement representee, pour faire voir à V.M. le  
ressentiment quen eust ledit Roy Louys, & l'astus  
dont il vſa pour l'atouper, vous ſçaurez donc, Sire,  
s'il vous plaist quapres auoir ledit Roy Louys lon-  
guement dissimulé & teu ceste mort a dessein, il fist  
conuoquer à vne solēnelle feste de Laon, plusieurs  
princes & grands Seigneurs, du nombre desquels  
estoit le meurtrier appellé Comte Hebert, & quād  
ils furent tous assemblez, vint deuant sa Majesté



vn courier qui s'agenouilla & prosterna à ses pieds seignant venir d'Angleterre, le salua & luy presenta vne lettre quil disoit estre de Emond Roy d'Angleterre, surquoy le Roy qui cognoissoit ce courier appelle Galopin le receut assez familièrement, & prit la lettre laquelle leue tout bas par son Chancelier, & recogneu que pour sestre pris à soustire oyant ladite lecture, lesdits princes & Seigneurs tesmoignerent desirer en sçauoir le subiect, il leur dit, cest mon cousin le Roy d'Angleterre qui me mande quil est arriué en son Royaume, quvn certain rustre a semond son Seigneur, de quil estoit subiect a aller dîner à sa maison, & quand il y a esté la pris & detenu: & puis apres la estranglé & faict mourir, & me prie mondit cousin luy faire sçauoir sur ce vos opinions, & luy conseiller de ce qui en doit estre faict, à quoy fust respondu par Thibaut Comte de Blois, qui estoit le plus ancien, & reputé fort homme de bien, que ledit Rustre deuoit estre pendu & estranglé ignominieusement, & ses biens acquis & confisquez au Seigneur, opinion qui fut suiue de tous les princes & Seigneurs la assistans, & notamment par ledit Comte Hebert qui ne se doutoit de rien, ledit Roy Louys le regardant, luy dict ie te iuge & condamne par ta bouche mesme, à pareil & semblable supplice. Car tu sçais Hebert que tu inuitas feu monseigneur mon pere que Dieu absolue par beaux semblans damitié & faisant mine de le vouloir festoyer en ta maison, & quand il y fut tu le retins & fis mourir traistreusement, & par ce ie te condamne a estre pendu & estranglé, & tes biens acquis & confisquez, & ainsi fut ledit Hebert pris & mené à linstant sur vn haut mont proche dudit Laon, lequel à cause de luy, & pour marque de ce est encores auourd'hui appelé le mont Hebert.

*Audiat hac Iupiter qui crimina fœmine frangit.*

F I N.



